

Bosna i Hercegovina
Federacija Bosne i Hercegovine
Kanton Sarajevo
Općina Hadžići
OPĆINSKI NAČELNIK



Bosnia and Herzegovina
Federation of Bosnia and Herzegovina
Sarajevo Canton
Municipality of Hadžići
MUNICIPALITY MAYOR

Služba za privredu, finansije i inspekcijski nadzor

Na osnovu člana 6. Pravilnika o utvrđivanju uslova, kriterija i postupaka za ostvarivanje prava za pomoć poduzetništvu i obrtu na području općine Hadžići, broj: 04-11-3-8088/2021 od 06.10.2021. godine Općina Hadžići raspisuje:

JAVNI POZIV za podnošenje zahtjeva za dodjelu podsticaja obrtnicima i poduzetnicima

I PREDMET, CILJ JAVNOG POZIVA I PRAVO UČEŠĆA

Predmet Javnog poziva je prikupljanje zahtjeva fizičkih lica, obrtnika i poduzetnika za ostvarivanje prava na novčani podsticaj iz sredstava Budžeta Općine Hadžići za 2021. godinu.

Općina Hadžići raspisuje Javni poziv s ciljem pomoći obrtnicima i poduzetnicima sa područja općine Hadžići u vezi sufinansiranja pokriva troškova nabavke stalnih sredstava i opreme, sirovina i repromaterijala, unaprijeđenja promocije proizvoda i usluga, očuvanja zanatske tradicije i kulturnog i historijskog nasljeđa poticanjem tradicionalnih i starih zanatskih djelatnosti kroz sufinansiranje troškova (provođenja poslovnog plana, nabavke alata i uvođenja novih tehnoloških postupaka, poboljšanja uslova rada u radionici, edukacije i stručnog osposobljavanja uposlenih i izradu reklamnog materijala), veće i lakše uključivanje žena u poduzetništvo, poticanje mladih osoba na samozapošljavanje, veće i lakše uključivanje mladih u poduzetništvo, te ostalim fizičkim licima sa ciljem pokretanja i razvoja vlastitog poslovanja, kako bi se ublažile ekonomske posljedice uzrokovane pandemijom virusa COVID-19, kao i stvorila nova radna mjesta.

Pravo na učešće u dodjeli sredstava imaju fizičke osobe čije je prebivalište na području općine Hadžići, a posebno prioritetne kategorije stanovništva - nezaposlene osobe koje su otpuštene od strane poslodavca kojem je bila zabranjena djelatnost od strane nadležnih organa ili su otpuštene od strane poslodavca čije je poslovanje bilo ugroženo u toku trajanja pandemije izazvane koronavirusom (COVID-19), a imaju namjeru pokrenuti vlastiti obrt, već registrovani obrtnici, kao i druga pravna lica koja djeluju i/ili imaju sjedište na području općine Hadžići.

II USLOVI

Podnosioc zahtjeva treba da ispunjava slijedeće uslove:

1. OPĆI USLOV:

- Da je prebivalište fizičkog lica, odnosno sjedište obrta, odnosno sjedište društva na području općine ili da društvo obavlja djelatnost na području općine Hadžići.

2. POSEBNI USLOVI:

- broj članova zajedničkog domaćinstva (broj nezaposlenih punoljetnih članova zajedničkog domaćinstva, broj izdržavanih članova zajedničkog domaćinstva),
- period proveden na Birou za zapošljavanje - podnosioca zahtjeva,

- socijalni aspekt (stanje na terenu, imovno stanje, opći dojam i sl.),
- broj zaposlenih,
- da nema neizmirenih obaveza po osnovu javnih prihoda zaključno sa 30.09.2021. godine.

III KRITERIJI

1. broj članova zajedničkog domaćinstva;
2. broj nezaposlenih punoljetnih članova domaćinstva podnosilac zahtjeva nezaposlen (vrijeme provedeno na birou za zapošljavanje);
3. za svakog izdržavanog člana zajedničkog domaćinstva (nezaposlene osobe koje se ne nalaze na evidenciji nezaposlenih osoba Biroa za zapošljavanje, djeca, učenici i sl.);
4. za svakog punoljetnog nezaposlenog člana zajedničkog domaćinstva koji se nalazi na evidenciji nezaposlenih osoba Biroa za zapošljavanje;
5. a) socijalni aspekt – iznos primanja po članu domaćinstva ili nema primanja,
b) stanje na terenu i opći dojam,
c) podnosilac zahtjeva otpušten od strane poslodavca kojem je bila zabranjena djelatnost od strane nadležnih organa ili je otpušten od strane poslodavca čije je poslovanje bilo ugroženo u toku trajanja pandemije izazvane koronavirusom (COVID-19).

Kao kriteriji će biti korišteni i parametri kao što su: vrsta djelatnosti, broj uposlenih, povećanje zaposlenosti, starost obrta, namjena ulaganja sredstava, izvor-način finansiranja, pripadnost grupi (invalidna lica, povratnici i demobilisani borci), orijentisanost izvozu, dosadašnji poticaji od strane institucija sa svih nivoa vlasti.

Kada kandidati pri bodovanju imaju isti broj bodova, prednost će imati kandidati koji imaju višečlanu porodicu i veći broj nezaposlenih članova u porodici, odnosno imaju više zaposlenih lica u obrtu, odnosno pravnom licu.

IV POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Obrazac za prijavu na Javni poziv za dodjelu podsticaja obrtnicima i poduzetnicima (info pult ili web stranica Općine Hadžići),
2. Dokaz o mjestu prebivališta (ovjerena kopija CIPS-ove prijave ne starija od tri mjeseca),
3. Ovjerena kopija lične karte,
4. Rješenje o registraciji obrta (ovjerena kopija),
5. Aktuelni izvod iz sudskog registra (ne stariji od tri mjeseca od dana objave Javnog poziva – ovjerena kopija),
6. Ovjerena kućna lista (šalter sala Općine Hadžići),
7. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje (Služba za zapošljavanje Kantona Sarajevo),
8. Dokaz da je podnosilac zahtjeva otpušten od strane poslodavca kojem je bila zabranjena djelatnost od strane nadležnih organa ili je otpušten od strane poslodavca čije je poslovanje bilo ugroženo u toku trajanja pandemije izazvane koronavirusom (COVID-19) (Ugovor o prekidu radnog odnosa),

9. Uvjerenje ili drugi dokaz o prosječnom prihodu za posljednja 3 mjeseca za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke) (Uvjerenje od poslodavca),
10. Uvjerenje o izmirenim obvezama prema PIO/MIO i zdravstvenom osiguranju (ne stariji od tri mjeseca od dana objave Javnog poziva – ovjerena kopija),
11. Uvjerenje o poreznoj registraciji sa ID brojem (ovjerena kopija),
12. Ugovor o otvorenom računu kod banke (ovjerena kopija).

Fizička lica koja namjeravaju aplicirati na ovaj Javni poziv sa namjerom pokretanja vlastitog obrta, odnosno poslovanja predaju dokumente pod rednim brojevima: 1., 2., 3., 6., 7., 8., 9., 10. i 12., te eventualno dodatnu dokumentaciju sa kojom raspolaže, a koju smatra relevantnom za Javni poziv.

Obrtnici koji namjeravaju aplicirati na ovaj Javni poziv predaju dokumente pod rednim brojevima: 1., 2., 3., 4., 10., 11. i 12., te eventualno dodatnu dokumentaciju sa kojom raspolaže, a koju smatra relevantnom za Javni poziv.

Pravna lica koja namjeravaju aplicirati na ovaj Javni poziv predaju dokumente pod rednim brojevima: 1., 5., 10., 11. i 12., te eventualno dodatnu dokumentaciju sa kojom raspolažu, a koju smatraju relevantnom za Javni poziv.

V PROCEDURA ODABIRA KORISNIKA

Proceduru vrednovanja i utvrđivanja rang liste, izvršiće Komisija na osnovu Pravilnika o utvrđivanju uslova, kriterija i postupaka za ostvarivanje prava za pomoć poduzetništvu i obrtu na području općine Hadžići, koju imenuje Općinski načelnik. Sredstva za dodjelu podsticaja obrtnicima i poduzetnicima su planirana u Budžetu Općine Hadžići za 2021. godinu i iznose 100.000,00 KM.

NAPOMENA:

Obrazac za prijavu se može preuzeti na prijemnoj kancelariji Općine Hadžići ili na web stranici Općine i zajedno sa dokumentacijom predati u zatvorenoj koverti na protokol Općine Hadžići sa naznakom „Za javni poziv za dodjelu podsticaja obrtnicima i poduzetnicima“.

Sve dodatne informacije mogu se dobiti u Službi za privredu, finansije i inspekcijски nadzor općine Hadžići II sprat soba broj 204 ili na broj telefona 033/475-947 svakim radnim danom od 08:00-16:00 sati.

Nepotpuna, neuredna, netačna i neblagovremena dokumentacija neće se uzimati u razmatranje.

U postupku po Javnom pozivu Općina Hadžići ne snosi nikakve troškove učesnika Javnog poziva, kao ni odgovornost prema učesnicima Javnog poziva u pogledu aktivnosti koje su preduzeli u cilju apliciranja, također prispjela dokumentacija se ne vraća podnosiocu.

Javni poziv ostaje otvoren 14 (četrnaest) dana od dana objavljivanja, odnosno do 25.10.2021. godine do 16,00 sati.

Dostavljeno:

1. Kabinet načelnika- web stranica: www.hadzici.ba;
2. Oglasna ploča Općine Hadžići;
3. Arhivi.



OPĆINSKI NAČELNIK

Hamdo Ejubović dipl.ing.maš.

Hadžići, 11.10.2021. godine

Broj: 04-11-3-8088-1/2021